



Broj: JN06-16-4-161-7/21

Datum: 18.10.2021.godine

Na osnovu člana 25. , člana 64. stav (1) točka (b) i člana 70. st. (1), (3) i (6) Zakona o javnim nabavama („Službeni glasnik BiH“, broj 39/14), na preporuku Komisije za javne nabave br. JN06-16-04-161-6/21 od 14.10.2021. godine, u otvorenom postupku javne nabave usluge –Održavanje i servisiranje elektromotornih brava i rezervni dijelovi po potrebi, upravitelj Zavoda za izvršenje krivičnih sankcija, pritvora i drugih mjera BiH, d o n o s i:

O D L U K U

O IZBORU NAJPOVOLJNIJEG PONUĐAČA

Član 1.

Prihvata se preporuka Komisije za javne nabave, br. JN06-16-4-161-6/21 od 14.10.2021. godine i ugovor o javnoj nabavi usluga Održavanje i servisiranje elektromotornih brava i rezervni dijelovi po potrebi dodjeljuje se izabranom ponuđaču BAUMETALGLASS Z.R. Istočno Sarajevo , za ponudenu cijenu od 44.972,00 bez PDV-a (Zanatska radnja BauMetalGlass nije upisana u Registar obveznika neizravnih poreza kao obveznik poreza na dodanu vrijednost), kao najbolje ocjenjenom ponuđaču.

Član 2.

Prijedlog Ugovora/Okvirnog sporazuma o nabavi dostavit će se na potpis izabranom ponuđaču po isteku roka od 15 (petnaest) dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove Odluke zadužuje se i ovlašćuje Služba za opće, pravne i finansijsko-materijalne poslove.

Član 4.

Ova Odluka uputiće se ponuđačima koji su učestvovali u postupku javne nabave, u skladu sa članu 70. stav (6) Zakona o javnim nabavama.

Član 5.

Ova Odluka dostavlja se svim ponuđačima koji su učestvovali u postupku javne nabave, sukladno članu 71. stav (2) Zakona o javnim nabavama.

OBRAZLOŽENJE

Postupak javne nabave pokrenut je Odlukom o pokretanju postupka javne nabave br. JN06-16-4-161/21 od 09.09.2021. godine.

Javna nabava je provedena putem Otvorenog postupka javne nabave.

Procijenjena vrijednost javne nabave bez PDV-a iznosi 45.000,00 KM .

Tenderska dokumentacija i Obavijest o nabavi br. 24650-1-2-178-3-69/21 su objavljeni 09.09.2021. na Portalu javnih nabava .

Komisija za javne nabave imenovana je Rješenjem o imenovanju Komisije za javne nabave br. 01-16-4-585/20 od dana 12.11.2020. godine.

Komisija za javne nabave je dana 14.10.2021. godine, dostavila Zapisnik o pregledu i ocjeni ponuda, br. JN06-16-4-161-5/21 i Preporuku o izboru najpovoljnijeg ponuđača, br. JN06-16-4-161-6/21 u predmetnom postupku.

U postupku po izvještaju o radu je utvrđeno da je Komisija za javne nabave blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće Zapisnike, u kojima je utvrđeno sljedeće:

- da je ukupan broj pristiglih ponuda 1 (jedna),
- da su blagovremeno zaprimljene 1 (jedna) ponuda,
- da nije bilo neblagovremeno zaprimljenih ponuda,
- da je ponuda ponuđača BAUMETALGLASS Z.R. Istočno Sarajevo, prihvatljiva.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, shodno kriterijima iz Tenderske dokumentacije.

U postupku ocjene provedenog postupka, Upravitelj Zavoda za izvršenje krivičnih/kaznenih sankcija, pritvora i drugih mjera BiH, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavu.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najnižan cijena“.

Iz navedenih razloga, primjenom člana 64. stava (1) točka (b) Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke, osobno ili preporučenom poštom.

Način izjavljivanja žalbe i sadržaj žalbe su definirani članovima 99. i 105. Zakona o javnim nabavkama („Službeni glasnik BiH“, broj 39/14).



UPRAVITELJ

Siniša Perković

Dostaviti:

1. Komisija za javne nabave,
2. BauMetalGlass z.r. Istočno Sarajevo
3. U spis.